

Kikkuuvugut?

PI/SPS Kalaallit Nunaanni kisiartaalluni perorsaanermut ilinniartuuvuq.

Isumaginninnermik ingerlataqarfiup iluani pikkorissutsimik qaffassaaqataasunik ilinniakkanik pikkorissarnernillu neqerooruteqarpugut. Ilanngullugu apeqqutigineqartillugu pikkorissaanernik naleqqussarlugit aaqqissuussanik neqerooruteqartarpugut. Pikkorissaasarnarit neqerooruterpassuagut nittartakkatsinni takukkit.

Takorluugarput:

- Inuiaqatigiinni perorsaaneq pillugu ilisimasaqassutsip pingaaruteqassusia isiginiarparput, tamanna innuttaasut tamarmik ineriartornerannut ingerlalluernerannullu tunngavissisussaammat.
- Tunngaviusumik isuma aallaavigalugu sulivugut, tassalu perorsaanermik sulinermit "inuk tamarmiusoq" aamma inuit ataasiakkaat inunnik allanik susassareqateqarnerat isiginiarneqassasut.
- Ilinniarfiorusuppugut akuerisaasoq orniginartorlu, piginnaaneqarfittut qitiusoq, ilisimasaqassutsikkut qajannaatsumik tunngavilik aamma isumaginninnerup perorsaanerullu iluanni ilinniartitaanernik siuariartornermik qulakkeerinnittoq.

Attavigitigut

Telefon: +299 38 35 50

Mail: diplom@pi.sps.gl



PI/SPS Socialpædagogisk seminarium

Marralinnguit 40

3952 Ilulissat, Grønland

Perorsaanilerinermi Diplomimut Ilinniagaq

Modul 5

Perorsaanikkut suleriutsinik aqutsineq aamma nalilersueriaaseq ataatsimoortitsisoq



PERORSAANERMIK ILINNIARFIK
SPS - SOCIALPÆDAGOGISK SEMINARIUM - <http://pi.sps.gl/>

Ilisaritsineq

Perorsaanilerinerimi Diplomimut ilinniarnermi moduli una ilaavoq, taamaakkaluartorli modulitut ataasiakkaatut tiguneqarsinnaalluni. Moduli 10 ECTS-point-qarpoq.

Perorsaanilerinerimi Diplomimut ilinniarnermi ilinniartoq katillugit 60 ECTS-pointit peqataaffigisimassavai, taakkunannga 25 ECTS-pointit modulini peqataaffigineqartussaallutik, 35 ECTS-pointit modulini nammineq toqqagassaallutik.

Ilinniartoq ilinniartitsinerimi peqataassaaq, ataatsimoorluni ilinniartunut isummersoqatigiinnermiluunniit piffissaliisassaaq, modulimilu misilitsinnissamut piareersarlunilu peqataassaaq, modulip naammassinissaanut peqataaffigineqartussamut.

Modul 5

Modul 5-imi ukkatarineqarpoq suliassaqarfimmi aqutsinerup, perorsaanermik suliaqarnerup ineriartortinneqarnera, isumaqarluartumik uppersaateqarnikkut aammalu suleqatigiisitsisumik nalilersuisarnikkut. Ilinniartup perorsaanermik suliaqarnermi qanoq suleriaatsit aammalu sulinerimi ataatsimoorfiusumik pilersitsisoqarsinnaanersoq sammissavaa. Tamatuma saniatigut perorsaanermik suliaqarnermi suleqatit,, aqutsisut imaluunniit meeqqat, atuisut innuttaasulluunniit isiginnittaasiinik peqataatitsinerup pingaaruteqassusia erseqqissarneqassaaq.

PIFFISSAQ: Moduli ullut arfineq pingasut ingerlanneqassaaq, nal. 08.00-miit nal. 16.00-mut. Sapaatip akunnerini 33 - 34-ni, 2026 ingerlanneqassaaq, ulluni 10. august 2026-miit 18. august 2026-mut (arfininngorneq ilanngullugu).

QINNUTEQARFISSAQ KINGULLEQ: 19. juni 2026, kl. 12.00.

ILINNIARTITSERIAASEQ: Najuulluni ilinniartitsineq, PI/SPS Ilulissani.

MODUL-IMI MISILITSINNEQ: Allaaserinninneq oqaluttariarsorluni misilitsinnertalik sap. Akunnera 35-miit 38-mut ingerlatsiviususaaq.

Ilinniartitsisoq

Looqi Schmidt.

Sullinniakkat

Ilinniartut Perorsaanilerinerimi Diplomimut Ilinniakkamut imaluunniit modulunut ataasiakkaanut tiguneqartarput, qinnuteqartoq:

- Ingerlariaqqiffiusumik ilinniakkamik isissutaasinnaasumik minnerpaamik inuussutissarsiummik ilinniagartuutut ilinniakkatut qaffasissusilimmik naleqquttumik naammassinissimassasoq,
- Ilinniakkamik isissutaasinnaasumik nammassinnereernerup kingorna naleqquttumik perorsaanermi inuussutissarsiornermi minnerpaamik ukiuni 2-ni misilittagaqassasoq,
- Qallunaatut atuarsinnaanermut, paasisinnaanermut oqaasertalersuisinnaanermullu oqaatsitigut piginnaasaqassasoq aamma.

Peqataanissamut nalunaarneq aamma taamaatitsineq

Immersugassaaq digitalimik (nittartagaq aqqutigalugu) imaluunniit anillatsillugu immersorneqarsinnaavoq uungalu nassiullugu diplom@pi.sps.gl

Peqataanissamut qinnuteqaammut akissutit, qinnuteqartitsinerimi killigitap kingorna ilisimatitsissutigineqassapput.

Modulimut peqataanissamut qinnuteqarnermi sulisitsisup akuersinera, atorfeqarsimanngikkaannilu peqataasussatut modulip imarisaanik paasinninnermut uppersaasat ilaatinneqassaaq.

Peqataasinnaajunnaaruit, tamanna piorsaavimmut nalunaarutigissavat mailikkut diplom@pi.sps.gl imaluunniit sianerlutit +299 38 35 50.

Uppersaasat

Modul-imi misilitsinnermi angusinerimi modulimik ingerlatsisimaneq uppersaammik tunisiviussaaq. Ilinniartut ilinniarnermi pilersaarutillit uppersaammik tunineqassanngillaq, ilinniarnerat suli ingerlammat.